

上清玉樞五雷真文

論印

雷書自古有文遠秦皇焚坑之後零落傳記
仙經秘法多隱山林窮谷之中清世太平真
文始出由是博參教理錄而成文將示同流
晉獲利益今錄五雷天篆玉字真文秘惜瑤
臺寶傳凡世今聖賢治國康樂時和六極咸
歸四方進奉嗽咽之外集而成篇傳法度人
豈小補哉三印之寶非人世所得聞見其靈
異神奇難以比類也凡書符法並可用之。

或陽云北斗正法五雷玉樞真文有雷中
五符天篆實印始自九天丈人受五嶽真
君佩負靈文余受汪君法印木為之原其
嶽神佩者金為之天樞相斗辰柄中吏官
云玉為之受得者能祛邪斬龍誅妖滅怪
起雷霆兩電治百病癆瘵危困之疾可照
江河潭源鬼神石穴洞谷出百怪見形降
魔伏毒獸昔同弟子吳猛將示大蛇盤屈
伏身而照兩目出血猛以劍斬之復照蛇

疾死印微裂小縫後再祭之即乃如舊何
神異若此乎乃知天中之秘實非人理得
以見聞昔費長房嘗受浮丘老人神印三
道驅邪斬鬼乃此印也

一曰紫光丹天之文可奏上帝諸仙判繫肘

男左女右除身中穢毒令人聰明可見國王

大臣得之生喜佩採藥物求仙學道保命護

身諸患無侵名係仙籍若印符神異無比非

世間印也乃五天真文篆而成印佩帶印物

理在天心此符乃上帝賜茅君佩而升天後

因樞傳弟子司命君降言三印之名乃知靈

異世人得之惜之秘之勿示非人

或陽云紫光丹天之文可印符籙牒狀亦

可佩帶破廟驅邪

二曰雷光火文之書可印籙牒下五嶽城隍

社令及佩帶貼門戶行法之士宜保盟傳度

奏上帝并蓬萊都水使者嶽瀆名山斗下雷

神將吏俟有感應乃可用耳

航快急發雷電請暗雨雲照百千殃立出
佩入山林虎狼奔逃神異如此得此文者
神能感靈位登真仙

三曰玉神洞靈之篆可印符籙去三尸九蟲

祭而佩之身入神仙但是符文牒狀請雨祈

晴感動天地神明此篆最靈能致風伯雷神

若修養鍊丹之士有此印者百鬼不敢視毒

龍不敢奪亦可印符貼古木墳塚鬼精疾走

萬里如得此篆者百鬼滅形可以鍊丹

或陽曰昔茅君受此印仙至司命上卿功

滿真官佩負昇天世人法術雖無若能遇

此而祭用自佩肘後或以朱印施人佩負

延年消災若久被邪鬼侵欺印貼門戶殃


去福生百鬼束形三印列于左






都天大雷火印

夫治天下山川仙官鬼神分野城隍廟社更兵皆可差使能伏凶惡鬼神行法之士不得此印鬼神無以役使神壇廟社龍窟並用此印起之不可與他印雜用印式如左




六丁玉女印

此印凡佩帶者兵刃不傷虎狼避避怪不害




仙都瀛攝印
將史 蓬萊




提舉城隍司印
將二 關樞 城隍 雷




斬邪斷瘟印
斬邪 斷瘟 疫




急催追捉印
發遣 符神 驅邪 祟貼符用之



雷火大將印
鎮傳 源祈 雨




雷霆都司印
將二 中發文字 居都 司將吏用之




禹步雷光火雲大統印
祭神 將用之




五雷使院印
關到 符文 用之 立應



靈風律令印 佩帶繞江河風帆帆息
降服精邪百鬼莫干



五雷火車印 火車考
召用之



論造印

三元之日及春分夏至之日庚申丁卯日用桃木為上雷棗亦可令匠人素食焚香精虔開之勿令人見

氏陽云宜用堅實桃木向東者為上雷棗棗為次常棗木又次之若得墓中桃木尤為神異更能依法選吉日命匠氏齋潔身心志誠刊刻仍不令僧尼小兒婦女及六畜猶大見之刊畢乃具香燭素餅酒果志心啓告祖師雷神祭祀外以木匣乘之類

於法精中如遇施用靈驗無比

傳度

凡傳度須擇有遁材法器剛斷之士可付之此非常術又况雷聲猛烈若無德之人不能感動師先受弟子誓狀取六丙日或六甲日師為保奏上帝申斗樞雷霆蓬萊東嶽牒本屬城隍并合屬去處俟感應如有奇夢似可付度則行文字請北斗下神將一負天兵三百人北帝雷霆都司神將一負精兵三百人付受法弟子

請兵

先用齋誦淨灰以木或竹作圈擇淨地焚香誦淨天地呪水洒地圍灰作三台體立牌書三司兵將位各用香一爐燈三盞供養次誦天童護命經叩齒步斗出門默呪曰天元太空六龍金精吾召太極急急火令攝呪畢閉門封鎖花押門外安香花供養三日內開視之彷彿有跡見或有奇夢報應如一處未到再焚香誦經步斗念呪出門封閉依法召之候俱到擇六戊日祭之祭法于左

祭兵

祭時先三日前告示至日步斗誦呪洒淨方始請神須精潔設案左右中安椅三隻榜神將位先召斗下將吏次召蓬萊將吏雷霆都司將吏用單血三十六盞羊肉三十六釘熟羊頭一枚果子等上香獻酒隨意祝之各獻以錢馬出帖收補立位於靖室逐日以時新花果供養有求則應感莫測勿令僧尼婦人鷄犬到彼觸犯遇六祭日更能一一祭之禮妙三年滿日祭還逐處請換如欲再留再申三處重立灰試驗收補供養六祭之日具列如左

- 正月初五日寅時
- 三月初三日寅時
- 五月初五日午時
- 九月初九日戌時
- 冬至日子時
- 歲除夜丑時

祭叩

取六丙乃雷會之日或庚申丁卯春分冬夏二至夜露天望天罡列斗中樞相通事舍人部水左右使者紫光童子玉光童子五雷下奏事直符直日功曹開逐叩真文玉篆仙君

用時果淨茶錢馬跪狀焚青木香拜祝前項神明願賜慈悲受油供養甚昨來傳受五雷大法所受寶印未敢自擅行使今特伸醮祭伏乞將帥神明實注真光正炁入諸印中庶俾其動使俱靈鬼神歛翼上香再拜三獻酒後左手掐辰默曰

天輔丙木靈光生化樞中降靈篆開八卦祭之神靈收滅邪精震動五嶽九州皆驚水部東首火怪滅形願降妙炁流布九清急急如律令

呪畢存諸神各降紅黃真炁凝注印中化錢馬疏狀送神收印安淨室中勿令婦人鷄犬見祭滿十二次其靈驗無比若只三次祭之亦可能滿百祭印中童子現身付光金丹玉篆令身入神仙之果更不用書符只用印文或照或印百邪立誅神功至妙

謝恩

備醮應用儀物俱齊法師申奏關牒告會合屬去處呈弟子印文花押誦經設醮謝恩畢對聖給法書法印照帖版符鐵券付度弟子

分明誓約依法施行


版符

用桃木或香栢木為之長七寸闊五寸面上刊符以朱潤過法師具位姓名花押封印面符如左



鐵券

以鐵造版長七寸闊五寸面符如左



補職

初受法之士法師保奏補充北極驅邪院五雷判官行法功及三十人或百人陳設醮禮師為保奏遷北極驅邪院上清錄事五雷右判官功及三百人遷北極驅邪院上清錄事

主管鬼神公事左判官功及一千人并祈禱有功遷行斗中五雷正法上清司命卿北極驅邪院副使功及三千人果有大功者遷北極驅邪院上清元命君統攝三界九州邪魔五雷使者更有上功遷斗中六通掌水使者

次遷斗中都水左使者次遷上清司命玉府右卿次遷上清司命玉府左卿

前項法職係左右判官並許稱同幹雷霆都司鬼神公事係斗中都水使者並許稱同管雷霆都司鬼神公事係玉府卿相並

許稱知雷霆都司鬼神公事餘皆不許妄稱恐貽雷憲風刀考身

論置

師曰凡修真奉法之士既遇明師指示雷法符印等又須得置訣方能靈驗故法中有是置起置發置將軍各主其事春從東面西先步斗柄次入斗口指置收炁行持夏從巽面乾秋從坤面良冬從乾面巽依前法步置念呪

論訣

斗中秘訣出手掌中指要應諸行事各有本訣得則鬼神攝伏失則妖魔不滅故法令不行施為無效實為斬目斬鬼斷虎狼惡鼠吹拍之卯為顛目斷顛邪吹拍辰為炁目去腫毒疼痛呪水生雲雷電已為通目可發不用兵通天入地書符批押關牒午為光目呪水治眼目暗消腫痛止血行炁未為成目就吉起造鎮宅求財交關求官除虛耗申為去目召發兵將追捉鬼祟成爲賊目飛符夜行人鬼莫見亥為勾目收鬼追鬼勾城隍社令子為利目通臟腑解熱結心燥丑為妖目斷怪捉鬼凡用諸訣繞拍便呪曰

百鬼諸邪茫茫桑精急急如火令攝禁

師云誦呪三遍畢存想日月在吾頭上斗星在吾前拍定訣目脚作丁字神異奇秘

莫可測也

雷訣

天雷訣兩手插寅五指藏甲地雷訣二指三指弓大指拍定四指五指押定大指雲雷訣二指弓大指拍丑三四五指押定大指藏甲

不見水雷訣二三四指弓大指拍定亥五指押定大指藏甲妖雷訣二三指四五指弓大指押定並不見甲斗雷訣小指從四指背上過中指勾定大指拍定子四指押定大指不得見甲二指直向變神訣左手大指輪匝至卯勒至辰存身為五雷使

變神

師曰凡行雷法之士每遇驅役呼名並拍變神訣叩齒五道存己身冠九梁冠朱衣躡朱履左右有持幢仙人執節童子又有捧印捧劍二仙童次抹四山左手剔陽斗向前陰斗向後左手握驅邪院印右手仗三昧火精劍存香煙化為雲霧雷電霹靂星光閃動六丁六甲五雷五龍諸司將吏周布前後三台北斗覆已頭上斗柄指前勿遠己目默呪曰帝思帝思自阿會孫玉皇太真護我身命去病除邪使我奉教永保此生急急如律令呪畢任意行持事畢拍訣歸神默念歸將吏呪

歸將吏呪

天地神靈三五天丁吾今指使所業已成各

歸本部受吾叮嚀如有再召復違前靈急急如雷霆律令

欽大神


欽火大神者按五雷經云霹靂大仙者是此神也又名律令大神姓鄧名伯溫黃帝時為統軍領兵使收蚩尤氏從風后為帥臣戰勝帝封伯溫為河南將軍帝昇天伯溫棄世入武當山修行百載為嘗食人肉不得昇天上帝念之封於武當因見世人不行忠孝殺害愈甚便欺日增以強凌弱以貴虐賤遂日夜發願欲為神雷代天誅伐此等惡道之人念念不絕怒氣衝天一日忽變形如鬼質狀若蝙蝠鳳嘴銀牙朱鬚藍身左手持雷鑽右手持雷鎚身長百丈兩腋出兩大翅展去則數百里皆暗兩目迸光二道照耀千里燦石流金乾枯滄海手足皆龍爪飛遊太空吞啗精怪斬伐妖龍上帝封為律令神隸屬神雷五月五日午時昇入南宮火令之宅威力最大劫壞之時以兩翼鼓動四溟之水翻浸崑崙之丘崩倒山河大地凡行雷法之士宜於五

月五日祭之能驅大祟搖動山嶽應瘟疫鬼
 魅蠱毒山魘聞此神名悉皆恐懼此神喜飲
 鵝血當圖其形供養禱之隨意靈驗莫可測
 度無鵝血以羊血代之又有歛火神符能斷
 鬼祟治救百病祛剪瘟疫懸於廳堂門戶鎮
 宅消災辟除百惡


祭法

前三日夜作申狀一紙申聞至日敷神形像
 于淨室中用鵝血五分羊頭一枚時果鮮粽
 鹿脯清酒錢馬符命香花召而祭之


歛火符



又



火符



右符用淨紙三幅焚香祝告書之書畢以
 香度過置在祭棧上供養

取雷火

雷聲初發時三步丁罡向雷發聲處左手握
 雷局默念呪曰

上天賜我威震萬靈地降震雷入吾腹盛鬼
 聞腦裂出語驚神急急如律令

呪畢取炁七口咽下腹中遇捉祟時起雷
 火發自身雷火烜天烜地存己身在烈焰
 中崇見自懼

取雷火

雷火起時三步丁罡左手拍煞文默呪曰
 雷火雷光出自南方巽火萬里上到天堂吾
 奉帝敕收付心王急急如律令
 呪畢取炁七口咽下腹中遇治祟時存電

光自眼出鬼見自懼


召雷

召五雷下直符使者張元伯存至次指揮召
 五雷存至到壇祝曰吾奉道無私操心正直
 嘗於某法師壇下傳受五雷正法令吾某壇
 拜汝為將共剪妖邪同分天賞次存見雷神
 一一上壇法師上香獻酒畢左手執雄鷄右
 手持小劍對雷神曰吾依度師法旨刺鷄取
 血和酒犒汝未為盟誓不得相負悞吾心願
 從今以後遇吾開旗車劍印行公牒召汝雷
 神火急前來應吾指揮如違盟誓未為下鬼
 誓畢將劍刺破鷄冠滴血於盞中以劍攪勻
 却放鷄依前卓劍秉簡上香法師誓雷神曰
 吾拜此劍印皂旗為誓代天行化助國救人
 汝若違負吾心當如太上律令法師八拜畢
 上香獻酒或有雷聲響或酒沸此為妙也就
 讀獻錢馬狀祝曰雷神遇吾開印卓劍展旗
 呼召汝等火急前來酒食既終各還異戶就
 便收印捲旗倒劍呪曰
 物票一悉神化無方以呪為財燦爛精光雷


公霍宅求作禳祥急急如律令

呪畢却依法收旗劔印等於淨所無事不可開旗卓劔印法師若能頻祭可以即興雷雨妙在心受不可輕用

雷壇式



集神罡



論令牌

凡行五雷大法申發表章祈晴請雨止風禱雪驅役神鬼掃除妖氣行符治病差使符吏若不申明號令則將帥不行吏兵不肅五雷大法中若不師受法令何以驅使鬼神祈晴

檮雪上則誤太上之法下則誤生靈之望凡欲造令牌先選吉日齋沐身心奏聞

上帝申煉雷霆所屬去處訖用最木節或石榴木或栢木餘木不可用長三寸闊二寸九分上圓象天下方象地於甲乙日株木庚辛

日造壬癸日黑書丙丁日朱書上面五雷號

今四字達丁日命工齋戒開之用皂紗袋袋

之取戊子戊寅戊辰戊午戊申戊戌乃六龍

會日於高原或窄人行處祭之用大雄鷄一

隻先擇淨地用竹五竿云五方插之如無竹

用水亦可以皂錢不以多少掛於五方竹上

安淨盞五隻淨盤五面列於五方用烏蛇一

條如無蛇以皂紙造蛇一條以手裂為五段

安在五方皂錢下却用劔刺雞冠血滴五方

盞內和酒法師與雷神為誓請五方雷雷上

香酌酒訖將祭物埋於祭所太歲方下焚化

皂錢祝遺雷神訖收牌袋之勿令一切人見

頓於法壇中供養

行持下令

先存自身為五雷使次呼青龍孟章居吾左

白虎監兵居吾右朱雀靈光居吾前玄武執明居吾後存四神各執火輪隨方服色降立左右前後照呪曰

摧山倒嶽覆地翻天萬神齊諾呼聖集仙敢有妖魔奉命不虔滅以黃鉞斬以鑿天令持

在手未鎮吾權急急如

上帝律令敕隨敕字下

次誦開道呪存敕火大神在前乃法中開道神也

火晶飛鳥風背龍鱗飛符前路剪除妖氛敢有妖孽斷宗滅形神威到處食鬼吞精急急

如律令

次厲聲云出吾身中罡風騎置吏驛馬上章

史飛龍騎吏各二人出合居前者居吾前合

居後者居吾後合居左者居吾左合居右者

居吾右五雷院中掌執傳令功曹使者為吾

傳香居院中其神及某處城隍社廟土地正

神各各赴吾壇下聽吾指揮次念戒神令云

咨爾神衆明聽予等粵自中古皇天昭鑑于

我下土魑魅魍魎敢有肆威以亂常典書不

掩跡流滿川源妄生疫癘妖孽病民上清震

悼啓祐下民假我真人肇播道法夷厥妖氛
 乃人乃物乃蕃乃息惟予鮮德厥法是承凡
 予所告不敢以私惟恐違天之命凡予所指
 不敢以私惟恐致天之罰祇畏明威實始自
 予矧爾有衆咸雷霆選中之神被敕佐予疇
 敢荒怠惟爾堅忠正直耀厥威靈乃勇推山
 嶽乃變布風雲仗法以行乃無前旁疇或援
 戈以抗遇敵勉哉以行上聽命令爾毋妄行
 毋苟止毋私忿毋侵擾毋違邪志毋泄陰機
 毋敢不爾爾躬毋敢不善爾器反是其爾躬
 有戮嗚呼豈不勉哉爾衆用命則功不爾蔽
 不用命則罪不汝赦故誥以陳汝宜聽之毋
 息

道法會元卷之五十七

道法會元卷之五十八 五十九 同卷
 上清玉樞五雷真文

好三

書符

夫書符須於壇殿或淨室軒庭之所加天罡
 所在望空設案備紙筆墨硯朱砂淨水合用
 之具以烈火焚香令煙馥郁却開旗卓劍出
 印依法變神從天門步入中星握固法訣念
 呪左手大指拍丑上一節名衆鬼目仰面看
 天却向支干方吸炁存三台頂上七星目前
 住立書符置圖于左



步罡呪

一步天星回二步衆惡伏三步水逆流四步
 兜邪滅五步雷公鳴六步六丁神七步青龍
 加太乙剔起雷火發萬里

又呪

吾是天目與天相逐晴若雷電光耀八極微
 視表裏無物不伏兇惡鬼神滅吾魁罡之下
 急急如

祖師五雷上帝律令

敕殊呪曰

陽精朗照陰鬼當衰神朱赫赫光耀太微我
 今所化萬惡皆摧三炁成火七炁成台三星
 俱照符到速追急急如律令

呪畢左手握紫微印印心右手執筆存身
 為天師念十二時辰二十八宿十二月將

北斗名號次祝筆呪曰

謹請五方猛吏雷公電母風伯雨師五方蠻
 雷使者直符功曹速降威靈入吾筆法之中
 書篆雷符前去某家救治病患立獲痊安急
 急如律令

呪畢握雷訣望巽吸炁一口閉定依法如
 式書符

召四神 祈雨

五月五日以黃羅一尺二寸朱書赤雞紫鶴
 二符誦水郎呪午時投東北水中或井內